


SISTEM OBUKE ZA ZAPOSLENIKE JEDINICE LOKALNE SAMOUPRAVE U FEDERACIJI BIH

PLAN OBUKE ZA 2014. god.



Uvodna riječ

Uloga sistema obuke za zaposlene u jedinicama lokalne samouprave je da omogući kontinuirano usavršavanje i razvoj kapaciteta zaposlenih i izabranih zvaničnika u općinama i gradovima, a s konačnim ciljem unaprjeđenja kvaliteta rada i usluga koje se pružaju građanima.

Plan obuke za zaposlene u jedinicama lokalne samouprave je pripremljen na osnovu ciljeva postavljenih Strategijom obuke za zaposlene u jedinicama lokalne samouprave u Federaciji BiH (2011-2015), kao i potreba i preporuka zaposlenih u jedinicama lokalne samouprave utvrđenih u toku 2013. godine, te uzimajući u obzir koji su programi obuke već provedeni u toku 2012. i 2013. godina u okviru Sistema obuke za JLS u FBiH.

Plan obuke za 2014. god. usvojilo je Koordinaciono tijelo za obuku JLS FBiH, na šestom sastanku, održanom 7. februara/veljače 2014. god.

Obuke se realiziraju u suradnji sa Projektom „Sistem obuke za jedinice lokalne samouprave u Bosni i Hercegovini“ (MTS), koji provodi Razvojni program Ujedinjenih nacija (UNDP), a primarno finansira Švedska agencija za međunarodnu razvojnu suradnju (Sida).

Većina obuka će biti organizovane u regionalnim lokalitetima za obuku: Bosanski Petrovac, Tomislavgrad, Tuzla i Vitez koji su uspostavljeni u suradnji sa navedenim jedinicama lokalne samouprave i Projektom „MTS“, kao i u prostorijama Agencije za državnu službu Federacije BiH, za općine koje pripadaju regionalnom lokalitetu Ilidža.

Obuka izabranih zvaničnika koju će provoditi Savez općina i gradova FBiH će biti organizirana u prostorijama općinskih/gradskih vijeća, onih općina/gradova koje će biti uključene u program obuke u 2014. god.

Pred Vama je plan obuke za 2014. godinu kako biste mogli da planirate Vaše usavršavanje i blagovremeno izvršite prijavu za obuke koje su od značaja za posao koji obavljate.

Za više informacija molimo Vas kontaktirajte osobu zaduženu za upravljanje ljudskim resursima u općinskoj administraciji ili kontakt osobu za obuku u Vašoj općini.

Tema: " UPRAVLJANJE VANREDNIM SITUACIJAMA I KRIZNO KOMUNICIRANJE "

Vrsta obuke: Obuka usmjerena na unaprjeđenje znanja i vještina, napredni nivo.

Kome je namjenjena Pomoćnicima načelnika za opću upravu i članovima općinskih/gradskih štabova civilne zaštite. Obuka je inicijalno planirana za 2 grupe polaznika, po jedna grupa po entitetu. Očekivani broj polaznika po grupi je 20-25.

Cilj obuke: Cilj obuke je opisati, upoznati i povećati nivo razumijevanja problematike vezane za odgovor na prirodne ili druge nesreće; unaprijediti sposobnosti učesnika za samostalno djelovanje i timski rad u slučaju prirodne ili druge nesreće; animiranje lokalnih uprava za potrebom većeg ulaganja u odgovor na prirodne ili druge nesreće, posebno u preventivne mjere.

Vrijeme održavanja: 18. februar

Mjesto održavanja: Sarajevo

Trajanje obuke: 1 dan

Tema: " ELEKTRONSKA UPRAVA – E-UPRAVA "

Vrsta obuke: Obuka usmjerena na unaprjeđenje znanja, osnovni nivo.

Kome je namjenjena: Pomoćnicima načelnika za opću upravu, šefovima odsjeka, matičarima, kao i državnim službenicima i namještenicima koji rade sa strankama (pisarnica, ovjere prepisa i rukopisa, izdavanje izvoda iz matičnih knjiga). Obuka je inicijalno planirana za 2 grupe polaznika, po jedna grupa po entitetu. Očekivani broj polaznika po grupi je 20-25.

Cilj obuke: Cilj obuke je upoznati učesnike s aktivnostima koje se provode u vezi s reformom javne uprave podržanom primjenom novih tehnologija, kao i sa zakonskim okvirom, fazama razvoja, međunarodnim iskustvima, stanjem i perspektivom razvoja E-uprave u BiH.

Vrijeme održavanja: 19. februar

Mjesto održavanja: Bosanski Petrovac

Trajanje obuke po grupi: 1 dan

Tema: " INTEGRISANJE GENDER KOMPONETE U PLANIRANJE LOKALNOG RAZVOJA "

Vrsta obuke: Obuka usmjerena na unaprjeđenje znanja i vještina, srednji nivo složenosti.

Kome je namjenjena: Članovima općinskih/gradskih razvojnih timova. Obuka je inicijalno planirana za 2 grupe polaznika, po jedna grupa po entitetu. Očekivani broj polaznika po grupi je 20-25.

Cilj obuke: Cilj obuke je opisati, predstaviti i demonstrirati gender komponentu, kako bi se nivo znanja polaznika o istoj povećao; osnažiti kapacitete učesnika za samostalno djelovanje u pravcu integrisanja gender komponente u razvojne politike JLS; animirati članove razvojnih timova za konkretno učešće u kreiranju programa s gender komponentom. Obuka je inicijalno planirana za 2 grupe polaznika, po jedna grupa po entitetu. Očekivani broj polaznika po grupi je 20-25.

Vrijeme održavanja: 19. februar

Mjesto održavanja: Tuzla

Trajanje obuke po grupi: 1 dan

Tema: " IMPLEMENTACIJA PROJEKATA, MONITORING I EVALUACIJA "

Vrsta obuke: Obuka usmjerena na unaprjeđenje znanja i vještina, napredni nivo.

Kome je namjenjena : Pomoćnicima načelnika, šefovima odsjeka, stručnim suradnicima, koji rade na izradi i praćenju provedbe projekata. Obuka je planirana za 3 grupe polaznika iz oba entiteta, a prema geografskoj raspoređenosti. Očekivani broj polaznika po grupi je 20-25.

Cilj obuke: Cilj obuke je poboljšati praktično znanje učesnika - zaposlenika općinskih / gradskih uprava koji rade na poslovima pripreme i praćenja provedbe infrastrukturnih, razvojnih i drugih projekata, a s ciljem osiguranja uspješne realizacije projekata u predviđenim vremenskim okvirima.

Vrijeme održavanja: april-maj

Mjesto održavanja: Mostar, Zenica i Bijeljina

Trajanje obuke: 4 dana (2 dvodnevna modula)

Tema: " PRIPREMA INVESTICIJSKOG PLANA ZA JEDINICE LOKALNE SAMOUPRAVE "

Vrsta obuke: Obuka usmjerena na unaprjeđenje znanja i vještina, napredni nivo.

Kome je namjenjena: Pomoćnicima načelnika, šefovima odsjeka, stručnim suradnicima, koji rade na investicijskom planiranju općinskih/gradskih uprava. Obuka je planirana za 3 grupe polaznika iz oba entiteta, a prema geografskoj raspoređenosti. Očekivani broj polaznika po grupi je 20-25.

Cilj obuke: Cilj obuke je da polaznici steknu uvid u sve aspekte izrade kvalitetnih i sveobuhvatnih investicijskih planova jedinica lokalne samouprave, a kako bi samostalno, ili u suradnji s kolegama mogli iste pripremati za svoje općine i gradove.

Vrijeme održavanja: maj-juni

Mjesto održavanja: Banjaluka, Trebinje i Sarajevo

Trajanje obuke po grupi: 4 dana (2 dvodnevna modula)

Tema: " PRAKTIČNA PRIMJENA ZAKONA O MATIČNIM KNJIGAMA "

Vrsta obuke: Stručna obuka usmjerena na unaprjeđenje znanja i vještina, napredni nivo.


Kome je namjenjena: Uposlenicima jedinica lokalne samouprave (rukovođeci i ostali državni službenici, matičari i namještenici) koji svakodnevno rade na poslovima primjene Zakona o matičnim knjigama. Obuka je planirana za 5 grupa polaznika. Očekivani broj polaznika po grupi je 20-25.

Cilj obuke: Ojačati kapacitete uposlenih u jedinicama lokalne samouprave u primjeni Zakona o matičnim knjigama koji će doprinijeti prevazilaženju praktičnih problema i rješavanju nedoumica s kojima se susreću u praksi.

Vrijeme održavanja: mart

Mjesto održavanja: Sarajevo, Bosanski Petrovac, Tomislavgrad, Tuzla i Vitez

Trajanje obuke po grupi: 2 dana



Tema: " ULOGA LOKALNE SAMOUPRAVE U ZAŠTITI ŽIVOTNE SREDINE "

Vrsta obuke: Obuka usmjerna na unaprjeđenje znanja i vještina.


Kome je namjenjena: Rukovodećim državnim službenicima, kao i izvršiocima poslova iz oblasti zaštite životne sredine (zaposleni na izdavanju dozvola, inspektori). Očekivani broj polaznika po grupi je 20-25.

Cilj obuke: Ojačati administrativne kapacitete jedinica lokalne samouprave za provođenje zakona iz oblasti zaštite životne sredine, kao i stvaranje uslova za efikasan nadzor u ovoj oblasti.

Vrijeme održavanja: maj

Trajanje obuke: 1 dan

Mjesto održavanja: Sarajevo, Bosanski Petrovac
Tomislavgrad, Tuzla i Vitez



Tema: " UPRAVLJANJE VANREDNIM KRIZNIM SITUACIJAMA "

Vrsta obuke: Obuka usmjerena na unaprjeđenje znanja i vještina.

Kome je namjenjena: Rukovodećim državnim službenicima, kao i uposlenim u službama civilne zaštite. Očekivani broj polaznika po grupi je 20-25.

Cilj obuke: Povećanje nivoa sposobnosti uposlenih u jedinicama lokalne samouprave u uspostavljanju sistema upravljanja u vanrednim situacijama, koji će omogućiti sprječavanje nastajanja ili ublažavanje posljedica vanrednih situacija.

Vrijeme: maj - juni

Trajanje obuke: 1 dan

Mjesto održavanja: Sarajevo, Bosanski Petrovac
Tomislavgrad, Tuzla i Vitez

Tema: " UPRAVLJANJE OPĆINSKOM IMOVINOM "

Vrsta obuke: Stručna obuka usmjerena na unaprjeđenje znanja i vještina, napredni nivo.


Kome je namjenjena: Rukovodećim državnim službenicima i ostalim uposlenim u jedinicama lokalne samouprave.

Cilj obuke: Poboljšanje u upravljanju općinskom imovinom i sredstvima, kako si se obezbjedilo njihovo efikasno korištenje, racionalizacija troškova i maksimizacija prihoda. Očekivani broj polaznika po grupi je 20-25.

Vrijeme: septembar

Trajanje obuke: 2 dana

Mjesto održavanja: Sarajevo, Bosanski Petrovac
Tomislavgrad, Tuzla i Vitez



Tema: " METODOLOGIJA IZRADE PROPISA - NOMOTEHNIKA "

Vrsta obuke: Stručna obuka usmjerena na unaprjeđenje znanja i vještina, napredni nivo.

Kome je namjenjena: Državni službenici koji rade na pripremi zakona i podzakonskih akata. Očekivani broj polaznika po grupi je 20-25.

Cilj obuke: Unaprjeđenje znanja i vještina državnih službenika o metodama i tehnikama izrade zakonskih i podzakonskih akata.



Vrijeme održavanja: novembar

Trajanje obuke po grupi: 2 dana

Mjesto održavanja: Sarajevo, Bosanski

Petrovac, Tomislavgrad, Tuzla i Vitez

Tema: " PRAKTIČNA PRIMJENA ZAKONA O ZAŠTITI LIČNIH PODATAKA "

Vrsta obuke: Stručna obuka usmjerena na unaprjeđenje znanja i vještina, napredni nivo.

Kome je namjenjena: Uposlenim u jedinicama lokalne samouprave koji direktno primjenjuju Zakon o zaštiti ličnih podataka BiH. Očekivani broj polaznika po grupi je 20-25.

Cilj obuke: Unaprjeđenje znanja uposlenika jedinica lokalne samouprave iz oblasti zaštite ličnih podataka, u smislu ispunjavanja obaveza JLS propisanih Zakonom o zaštiti ličnih podataka (izrada plana sigurnosti, donošenje propisa za provođenje Zakona, prijavljivanje zbirke ličnih podataka)



Vrijeme održavanja: oktobar – novembar

Trajanje obuke po grupi: 2 dana

Mjesto održavanja: Sarajevo, Bosanski Petrovac

Tomislavgrad, Tuzla i Vitez

Tema : " LIDERI LOKALNE SAMOUPRAVE "

Vrsta obuke: Obuka uvodnog karaktera, koja bi trebala da ima nastavak.

Kome je namjenjena: Načelnicima i gradonačelnicima, prvenstveno novoizabranim, a ostalima prema ličnoj zainteresiranosti i organizacionim mogućnostima. Planirano je izvođenje za 3 grupe polaznika. Optimum 16 učesnika po grupi.


Cilj obuke: Unaprjeđenje znanja i vještina načelnika i gradonačelnika u oblasti liderstva uopće, te jačanje svijesti o ulozi lokalnog liderstva u demokratskom društvu i važnosti kontinuiranog usavršavanja lokalnih lidera kako bi mogli adekvatno odgovoriti izazovima vođenja lokalnih administracija i zajednica.

Vrijeme održavanja: naknadno će biti određeno

Trajanje obuke po grupi: 1 dan

Mjesto održavanja: Sarajevo, Tuzla i

Mostar



Tema: " UPRAVLJANJE OPĆINSKOM IMOVINOM "

Vrsta obuke: Obuka usmjerena na unaprjeđenje znanja i vještina, napredni nivo.

Kome je namjenjena: Općinskim/gradskim vijećnicima. Obuka je planirana za 3 grupe polaznika. Očekivani broj polaznika po grupi je .20-25.

Cilj obuke: Unaprjeđenje znanja i vještina općinskih/gradskih vijećnika u oblasti upravljanja općinskom imovinom, a kako bi odluke koje donose doprinosile adekvatnoj i efikasnoj upotrebi imovine u vlasništvu općine/grada.

Vrijeme održavanja: naknadno će se odrediti

Mjesto održavanja: naknadno će se odrediti

Trajanje obuke po grupi: 1 dan

Tema: " UPRAVLJANJE OPĆINSKIM PRIHODIMA "

Vrsta obuke: Obuka usmjerena na unaprjeđenje znanja i vještina, napredni nivo.

Kome je namjenjena: Općinskim/gradskim vijećnicima. Obuka je planirana za 3 grupe polaznika. Očekivani broj polaznika po grupi je 20-25.

Cilj obuke: Unaprjeđenje znanja i vještina općinskih/gradskih vijećnika u oblasti upravljanja općinskim prihodima, a kako bi odluke koje donose bile zasnovane doprinosile adekvatnoj i efikasnoj upotrebi imovine u vlasništvu općine/grada.

Vrijeme održavanja: naknadno će se odrediti

Mjesto održavanja: naknadno će se odrediti

Trajanje obuke po grupi: 1 dan



KALENDAR OBUKA ZA 2014. GODINU


- osnovni, jednodnevni, programi obuke za zaposlenike JLS -

	OBUKA / RLO	Bosanski Petrovac	Sarajevo	Tomislavgrad	Tuzla	Vitez
1.	E-uprava	19. februar				
2.	Integrisanje gender komponente u planiranje lokalnog razvoja				19. februar	
3.	Upravljanje vanrednim situacijama i krizno komuniciranje		18. februar			
4.	Uloga lokalne samouprave u zaštiti životne sredine					
5.	Upravljanje vanrednim situacijama					

- napredni, dvodnevni, programi obuke za zaposlenike JLS -

6.	Implementacija, monitoring i evaluacija projekata	
7.	Priprema investicijskih planova za JLS	
8.	Praktična primjena Zakona o matičnim knjigama	
9.	Metodologija izrade propisa - nomotehnika	
10.	Praktična primjena Zakona o zaštiti ličnih podataka	
11.	Upravljanje općinskom imovinom	

O tačnim datumima održavanja obuka jedinice lokalne samouprave će biti obavještene najkasnije deset dana prije svake obuke.



- programi obuke za općinske i gradske vijećnike, načelnike i gradonačelnike -

12.	Lideli lokalne samouprave	
13.	Upravljanje općinskom imovinom	
14.	Upravljanje općinskim prihodima	